

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Zakonodavno-pravna komisija

Broj: 02/2-02-665/16
Sarajevo, 22. 3. 2016. godine

DOMU NARODA
PARLAMENTA FEDERACIJE BiH

Zakonodavno-pravna komisija Doma naroda Parlamenta Federacije Bosne i Hercegovine na 9. sjednici, održanoj 22. 3. 2016. godine, razmatralo je:

1. Presuda Ustavnog suda Federacije Bosne i Hercegovine, broj: U-29/15 od 17.2.2016. godine („Službene novine Federacije BiH“, broj 20/16) i Zaključak Doma naroda Parlamenta Federacije Bosne i Hercegovine, DN broj: 02-02/a-648/16 od 17.3.2016. godine.

U skladu sa članom 51. a u vezi sa članom 56. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći:

I Z V J E Š T A J:

1. Presuda Ustavnog suda Federacije Bosne i Hercegovine, broj: U-29/15 od 17.2.2016. godine („Službene novine Federacije BiH“, broj 20/16) i Zaključak Doma naroda Parlamenta Federacije Bosne i Hercegovine, DN broj: 02-02/a-648/16 od 17.3.2016. godine

Predsjednik je članove Komisije podsjetio da je Ustavni sud Federacije Bosne i Hercegovine odlučujući o zahtjevu grupe delegata Doma naroda Parlamenta Federacije Bosne i Hercegovine za rješavanje spora sa Domom naroda Parlamenta Federacije Bosne i Hercegovine, na osnovu člana IV.C.3.10. (1) f) Ustava Federacije Bosne i Hercegovine, nakon sjednice Ustavnog suda Federacije Bosne i Hercegovine bez javne rasprave, održane dana 17.02.2016. godine, donio Presudu kojom se utvrđuje da je 4. vanredna sjednica Doma naroda Parlamenta Federacije Bosne i Hercegovine od 30.07.2015. godine u dijelu odlučivanja po tački 2. Dnevnog reda – Prijedlog Zakona o radu, održana u suprotnosti sa Poslovníkom Doma naroda Parlamenta Federacije Bosne i Hercegovine ("Službene novine Federacije BiH", br. 27/03 i 21/09), a time i Ustavom Federacije Bosne i Hercegovine, čime su povrijeđena ustavna prava grupe delegata Doma naroda Parlamenta Federacije Bosne i Hercegovine.

Shodno naprijed navedenom, u skladu sa tačkom 1. izreke ove presude, Zakon o radu ("Službene novine Federacije BiH", broj 62/15) je donijet suprotno Poslovniku Doma naroda Federacije Bosne i Hercegovine i Ustavu Federacije Bosne i Hercegovine, te se vraća u fazu predlaganja tog zakona u Dom naroda Parlamenta Federacije Bosne i Hercegovine, s tim da se poslovnički rokovi imaju računati počev od dana objavljivanja ove presude u " Službenim novinama Federacije BiH".

Presuda Ustavnog sud Federacije Bosne i Hercegovine je objavljena u " Službenim novinama Federacije BiH" broj: 20/16, od 16.3.2016. godine.

Dom naroda Parlamenta Federacije Bosne i Hercegovine je na 10. redovnoj sjednici održanoj 17.3.2016. godine, usvojio Zaključak kojim se zadužuje premijer Vlade Federacije Bosne i Hercegovine da, u skladu sa svojim ustavnim obavezama, a u svrhu izvršavanja presude Ustavnog suda Federacije Bosne i Hercegovine, broj: U-29/15 od 17.2.2016. godine, Domu naroda Parlamenta FBiH dostavi Prijedlog zakona o radu u tekstu kako ga je usvojio Predstavnički dom Parlamenta FBiH na sjednici održanoj 31.7.2015. godine.

Predsjednik je otvorio raspravu po naprijed navedenoj tački dnevnog reda.

U raspravi su učestvovali: Aner Žuljić, Predrag Kojović, Jasenko Tufekčić, Nikola Simić, Almedin Aliefendić i Izmir Hadžiavdić.

Nakon opsežne rasprave članovi Komisije su jednoglasno usvojili Zaključak kojim predsjedavajućoj i Kolegiju Doma naroda predlažu, da se kao 1. tačka predloženog dnevnog reda nastavka 10. redovne sjednice Doma naroda, uvrsti Presuda Ustavnog suda Federacije Bosne i Hercegovine, broj: U-29/15 od 17.2.2016. godine („Službene novine Federacije BiH“, broj 20/16) i Zaključak Doma naroda Parlamenta Federacije Bosne i Hercegovine, DN broj: 02-02/a-648/16 od 17.3.2016. godine.

PREDSJEDNIK KOMISIJE

Jasenko Tufekčić, s.r.